



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 22-04-44-1-69/19
Sarajevo, 11.03.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ

za period od 07:00 sati 08.03.2019. do 07:00 sati 11.03.2019. godine

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 08.03.2019. godine u 13:54 sati, od građana, da je u naselju Lješevo - Ilijaš, pronađen jedan NUS.

- dana, 09.03.2019. godine u 10:31 sat od građana, da je u ul. Anđelka Lažetića bb, Općina Hadžići, pronađen jedan tromblon.

O primljenim informacijama obaviješteni su pripadnici Tima za UES Federalne uprave civilne zaštite, koji su prvo navedeno neeksplozivno sredstvo preuzeli isti dan dok će drugo pruzeti narednom periodu.

Kantonalni operativni centar Kantonalne uprave civilne zaštite Kantona Sarajevo je dana, 08.03.2019. godine u 15:53 sati primio informaciju od strane građana, da je u naselju Aneks – općina Novi Grad, nestala starija ženska osoba (1952 godište), lošijeg zdravstvenog stanja (sa psihičkim smetnjama, slabije pokretna i sa poteškoćama u govoru). Prema izjavi njene porodice navedena osoba je nestala 05.03.2019. godine kada je njen nestanak prijavljen PS Novi Grad. Dežurni u Kantonalnom operativnom centru civilne zaštite je odmah obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo u skladu sa propisanim procedurama informacija je prosljeđena Gorskoj službi spašavanja Kantonalne uprave civilne zaštite Kantona Sarajevo, kojoj



su date upute da budu u stanju pripravnost, kao i općinskoj službi civilne zaštite Novi Grad da u skladu svojih nadležnosti preduzmu određene mjere na pronalasku nestale osobe. Shodno navedenom, a u skladu sa procijenjenom situacijom u akciji pronalaska nestale osobe na terenu su bile angažovane slijedeće organizovane snage zaštite i spašavanja Kantona Sarajevo: pripadnici Gorske službe spašavanja Kantonalne uprave civilne zaštite Kantona Sarajevo, pripadnici Gorska službe spašavanja Novi Grad te pripadnici FUCZ .

U 19:52 sati Kantonalni operativni centar civilne zaštite je obaviješten od strane FUCZ da je navedena nestala osoba je pronađena u Gerontološkom centru u Nedžarićima gdje je bila zbrinuta od strane socijalnog radnika koji je pronašao tog dana na ulici. Nakon identifikacije članovi uže porodice su je preuzeli i vratili kući. Tim je akcija pronalaska nestalog lica završena.

Kantonalni operativni centar Kantonalne uprave civilne zaštite Kantona Sarajevo je dana,10.03.2019.godine u 11:45 sati primio informaciju od strane građana, da je na Bjelašnici na skijaškoj stazi povrijeđeno jedno lice. Po odobrenju direktora Kantonalne uprave civilne zaštite Kantona Sarajevo angažovana je GSS Sarajevo. Akcija izvlačenja povrijeđenog skijaša završena je u 12 sati kada je predat ekipi hitne pomoći gdje su konstatovane povrede na glavi i upućen je na dalji monitoring.

Kantonalni operativni centar Kantonalne uprave civilne zaštite Kantona Sarajevo je dana,10.03.2019.godine u 13:48 sati primio informaciju od stranih građana sa lokaliteta planine Visočice u blizini sela Sinanovići koji su zalutali i izgubili se na tom području. Uz odobrenje direktora Kantonalne uprave civilne zaštite Kantona Sarajevo takođe je angažovana GSS Sarajevo.

U 16:15 sati iz GSS-a smo obaviješteni da je akcija spašavanja izgubljenih stranaca privedena kraju i da nisu povrijeđeni. Vozilima GSS-a dovezeni su do kola hitne pomoći bez vidljivih povreda.

Profesionalna vatrogasna jedinica Kantonalne uprave civilne zaštite Kantona Sarajevo:

U izvještajnom periodu 48 manjih intervencija i to: 23 na gašenju trave i niskog rastinja, sedam tehničkih (sapiranje platforme na Međunarodnom aerodromu Sarajevo dva puta, saobraćajni udesi dva puta, sportski događaji tri puta), 11 na gašenju zapaljenog smeća u kontejnerima, dvije na gašenju zapaljenih automobila, tri na gašenju zapaljenog dimnjaka, i dvije na gašenju požara u stambenim objektima

Napomena: U protekla 24 sata pripadnici Profesionalne vatrogasne jedinice imali su 12 manjih intervencija i to: šest na gašenju trave i niskog rastinja, pet na gašenju smeća u kontejnerima, i jednu na gašenju zapaljenog dimnjaka.

Iz općinskih operativnih centara civilne zaštite i s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.



KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 8°C, vlažnost zraka 75%, barometarski pritisak 940,2 hPa.

BIHAMK: Saobraćaj se na području Kantonu Sarajevo odvija, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1